

Число 5.

Ужгородъ 1. мая 1926.

Рочникъ VI.

БУДОВЕСТИК

Богданчук.

Да бсій
єдінно
бвдуть

Ів. 31, на

ДУХОВНА ГАЗЕТА ДЛЯ ПОДКРУСИНОВ



Заложуйте свои вкладки до Централи або до філіялів

ПОДКАРПАТСКОГО

БАНКА

Стан вкладок повысше 10,000.000 Кч.

В всяких финансовых и господарских дѣлах доставить Вам
скоро, точну и бесплатну пораду

ПОДКАРПАТСКІЙ БАНК В УЖГОРОДЪ

Своими заощаджеными гелерами при доброму опроцентованю
капитала подпирайте свой народный

ПОДКАРПАТСКІЙ БАНК В УЖГОРОДЪ

Свой до свого! Истинно народна, руська и славянска институція
ПОДКАРПАТСКІЙ БАНК В УЖГОРОДЪ

Пересилки доляров до Америки з дозволом Банковного Уряду
выконує

ПОДКАРПАТСКІЙ БАНК В УЖГОРОДЪ

Переказы до Галичини, Польщъ и до других держав Европы
и Америки выконує найвыгоднѣйше

ПОДКАРПАТСКІЙ БАНК В УЖГОРОДЪ

Америцкѣ десеквестраціѣ, асекураціѣ и компензаціѣ за померших
в Америцѣ переводить

ПОДКАРПАТСКІЙ БАНК В УЖГОРОДЪ

За вкладки (льокації) ощадностей и капитала платить наш
ПОДКАРПАТСКІЙ БАНК В УЖГОРОДЪ

5%—6%.

Подорожну канцелярію, продаж желѣзнодорожных карточок на
цѣлу територію Чсл. Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ



Число 5.

Ужгородъ 1. мая 1926.

Рочникъ VI.

БЛАГОВѢСНИКъ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

ПРЕДПЛАТА:

на рокъ . . . 10.— Кч.
за границю . . . 20.— Кч.
до Америки . . . 1.— д.
Одно число 1 Кч.

Выходитъ разъ на мѣсяцъ

Адресъ:
Редакція: Kapitulska ulica Ѽ. 10.
Администрація: Монастыръ О.О.
Василіян, Ужгородъ, Раковци 52.

ОБЯВЛЕНИЯ:

принимаются по цѣнѣ:
за одну стор. . . . 200 Кч.
за половину стор. . 120 Кч.
за чверть стор. . . . 65 Кч.

Гробарѣ христіянства на Подк. Руси.

Чорна рада жидовска прибила Христа до креста. Але симъ невдоволена, поставила сторожовъ гроба Христового и великимъ каменемъ заперла отворъ пещеры, чтобы не могъ воскреснути Сынъ Божій, Господь Вседержитель.

Але все даремно было. Сторожи утѣкли „якъ тає воскъ отъ лица огня“, коли Христось воскресъ, а кам'я розкололися, коли Христось порушався въ гробѣ своємъ и воставъ изъ мертвыхъ.

І подкарпатскій христіянскій народъ має такихъ сторожовъ, котрѣ хотѣли бы, чтобы христіянскій духъ запертий бывъ въ темномъ гробѣ и николи не воскресъ. Схизматики поколотили въру прадѣду русиновъ, коли одорвати хотять ихъ одъ скалы и фундамента, что положивъ самъ Христось. Не мали бы они успѣховъ, если бы не робили „наверненіе“ такимъ невысказаннымъ терроромъ. Русинъ изъ природы боязливый и коли видить, что зъ насильствiemъ нападуть на него, напудится и пристане до терористовъ. А тѣ знаютъ ихъ всякими брехнями и погрозами пужати. Коли образований чоловѣкъ чуе, что якѣ клеветы и безочливѣ брехнѣ знаютъ шизматики ширити, и народъ повѣритъ, та почне сомнѣватися, что се стаєся въ Европѣ и то въ XX-ом столѣтію! Про схизматиковъ и головно про ихъ до неба воп'ючѣ дикости

не може розвиватися свободно и запановати надъ душами подкарп. русиновъ духъ Христа, духъ нового, красшого житя.

Зъ шизматиками одно знають и комунисты. Если одно або другое число попаде въ руку честного чоловѣка изъ ихъ газетъ, та онъ застовѣе чоловѣкъ одъ того страшного богохульства, что е тамъ написано. Комунистамъ-безбожникамъ цѣла религія (вѣра) Христова казка; нашѣ наймилѣйшѣ праздники и правды вѣры, то имъ давнѣ поганскѣ звычаѣ, нашѣ св. тайны лише выдумки поповскѣ. До сихъ часовъ еще якось покрываеми свою чорну душу и не смѣли писати противъ вѣри, але новѣйше уже повстають зъ смѣхом и пониженьемъ противъ Бога и противъ всего, что христіянину святое и дорогое.

Лишь рабина и батюшковъ не рушають. То имъ святѣ! И то зато, что комунизмъ на цѣломъ свѣтѣ стоить подъ командою безбожныхъ жидов. И хотя релігіозный жидъ такожъ не е пріятелемъ комунизма, але понеже меже водителями комунизма изъ большої части безбожнѣ жиды суть, зато они жидовску вѣру и рабина не хотять рушати.

Комунистамъ милѣ и темнѣ батюшки; бо знають что они не годнѣ наповнити духомъ христіянскимъ сердце вѣрниковъ; добре знають, что одъ нашего привославія лишь оденъ крокъ е до комунизма. Зато они тутешну схизму добрымъ приготовленьемъ держать до цѣлковитого комунизма и анархіѣ.

Лишь на нашу вѣру и на нашихъ духовниковъ нападаютъ сѣ наемники діявола. Се е знакомъ того, что лише хр. каѳолическа вѣра е вѣрою Христа и знаютъ добре, если сю повалять, тогды не е жадноѣ перепоны, чтобы запановати діяволу на Подк. Руси.

Сѣ два гробарѣ: схизма и комунизмъ спиняють воскресеніе христіянского духа на Подкарпатю. Кождый христіянинъ має ихъ считати найгоршими ворогами души своєї и всего христіянскага народа Подкарпатскої Руси.

Велика Пятниця.

І. Жидовска рада не мала власти выконати засуду смерти на Іисуса Христа безъ потвердженя намѣстника римского. Зато въ пятницю рано повели Христа до Пилата. Пилать принимавъ ихъ на дворъ (бо жиды не хотѣли зайти въ домъ Пилата, чтобы не осквернитися) и сказавъ до нихъ:

— Яку жалобу приносите на сего чоловѣка?

А они одповѣли та казали:

— Если бы онъ не бывъ злодѣй, мы не выдали бы тебѣ. Онъ бунтуе нашъ народъ и забороняе давати цисареви податокъ и называе себе Христомъ и царемъ.

Тогда Пилать прикликавъ Христа до комнаты и каже:

— Ты царь Израильскій?

Іисусъ одповѣвъ:

— Такъ есть. Но царство мое не есть изъ сего свѣта. Я на то народився и на то прийшовъ на свѣтъ, чтобы свѣдчивъ о правдѣ; а каждый, который есть одъ правды, слухає моего голосу.

А Пилать сказавъ:

— Что есть правда?

И выйшовъ до жидовъ, та сказавъ имъ:

— Я не находжу ніякоѣ вины въ немъ.

Але жиды стали кричати:

— Онъ бунтуе народъ и учить по всей Юдеѣ, почавши одъ Галилеѣ ажъ до Іерусалима.

2. Пилать пересвѣдченый бывъ о невинности Іисуса и не хотѣвъ потвердити смертный засудъ жидовъ на Христа. И коли довѣдався, что Іисусъ походитъ изъ Галилеї, пославъ его до Ирода царя Галилейскаго, который въ тыхъ дняхъ прибывъ до Іерусалима на пасхальныѣ праздники. Иродъ зрадовався, коли жиды привели Христа до него, бо думавъ, что Іисусъ буде дѣлать чудеса передъ нимъ и передъ его дворянами. Але Христосъ на звѣданя сего прелюбодѣйника и убѣйця св. Іоана, Крестителя ничего не одповѣдавъ. Тогда Иродъ розсердився казавъ убрati Христа въ бѣлу одежду, якъ безумного и одославъ его до Пилата.

3. А Пилать увидѣвшe Христа зновъ казавъ до жидовъ:

— Вы привели до мене сего чоловѣка, яко бунтовника народа; а я не находжу въ семъ чоловѣцѣ ніякоѣ провини, и Иродъ также.

У жидовъ бывъ такій звичай, что римскій намѣстникъ на праздникъ Пасхи мавъ власть выпустити одного вязня, кого

народъ хотѣвъ. И бывъ тогды въ вязницѣ оденъ розбойникъ, именем Варава, караный за розрухъ и убійство. И каже Пилатъ:

— Котрого хотите, чтобы я выпустивъ вамъ Вараву, ци Іисуса, котрого зовутъ Христомъ?

А первосвященники и книжники намовили народъ и почали кричати:

— Вараву!

— А что маю зробити зъ Христомъ? — звѣдае Пилатъ.

На то всѣ почали кричати:

— Роспни, роспни его!

4. Меже тымъ, якъ сидѣвъ Пилатъ на судейскомъ мѣстѣ послала до него жона и переказала:

— Не мѣшайся въ справу того праведника; много бо потерпѣла я нынѣ въ снѣ за него.

5. И одъ того часу Пилатъ еще лѣпше на томъ бывъ, чтобы увольнити Христа и казавъ:

— Укараю его, та выпущу.

И передавъ Христа воякамъ. А они сплели вѣнець изъ тернины, та положили ему на голову, въ руку дали ему тростину и одягнули его въ червеный плащъ и били его по твари и головѣ, поклонилися передъ нимъ и говорили:

— Витай царю юдейскій!

И думавъ Пилатъ, что товпа розмилосердиться надъ нимъ и казавъ вывести Христа и указати народови. И казавъ:

— Се чоловѣкъ!

Но народъ жидовскій закричавъ изъ всѣхъ силы:

— Роспни, роспни его!

6. Тогды Пилатъ зновъ звертався до Христа:

— Зводки ты?

А Христосъ мовчавъ.

— Менѣ не одповѣдаешь? Не знаешь, що я маю власть роспяти тебе и маю власть пустити тебе?! Каже Христосъ:

— Не мавъ бы ты надо мною ніякої власти, если бы тобѣ не было данно зъ горы. Для того большій грѣхъ має той, кто передавъ менѣ тобѣ.

И зновъ представивъ Христа народови и казавъ:

— Се царь вашъ.

А первосвященники казали:

— Не маєме царя, только цѣсаря и если его пустишь, не есъ другомъ цѣсаря. Бо кождый, котрый творить себе царемъ, противиться цѣсареви.

На се настрашився Пилатъ, бо боявся, что утратить ласку императора римского и взявлъ воду, умывъ руки передъ народомъ и скававъ:

— Я невинный въ крови сего праведника, вы увидите.

И жиды кричали:

— Кровь его на нась и на нашихъ дѣтяхъ.

И передавъ Пилатъ Христа жидамъ на распятіе.

7. По засудѣ на смерть зняли вояки червеньй плащъ зъ Іисуса и облекли его въ одежду, положили на его рамена грубый деревляный крестъ и повели его на мѣсто распятія, на Голгоѳу. Зъ нимъ вели и двохъ розбайниковъ. Христосъ знемогъ подъ тяжкимъ крестомъ и упавъ сколько разовъ на землю. Тогда вояки примусили якогось Симона Киринейскаго, вертающаго зъ поля, нести крестъ за Іисусомъ.

И ишло множества народа въ слѣдъ за нимъ и жоны дуже плакали и заводили за нимъ. А Христосъ кававъ имъ:

— Доньки іерусалимскѣ, не плачте надо мною, но плачте надъ собою и надъ дѣтьми вашими. Бо прїйдутъ дни, коли скажуть горамъ: упадьте не нась и горбкамъ: покрыйте нась. Бо если то творять зъ зеленымъ деревомъ, что буде зъ сухимъ?

8. И коли прийшли на мѣсто распятія, дали ему вояки пiti вино зъ жовчю, чтобы утолити велику болѣзнь смерти, але Христосъ не принялъ, хотячи въ повной свѣдомости претерпѣти смерть за нась.

Потомъ здерли зъ Іисуса одежду и прибили его на крестъ прибивши гвоздями его руки и ноги. Одежду его роздѣлили меже собою воины, кидаючи костки (жребій); якъ предскававъ псалмистъ: Раздѣлиша рнзы мол себѣ и о Одеждѣ мої меташа жрецій. (Іо. 19, 24.)

И поставили крестъ на серединѣ и изъ двохъ боковъ, стояли кресты розбайниковъ. На крестѣ Іисусовомъ было написано по грецки, по латински и по жировски:

— Іисусъ Назарянинъ, Царь Іудейскій. (ІНЦІ).

А коли первосвященники противъ сего протестовали у Пилата, Пилатъ сказавъ имъ:

— Что написавъ, то написавъ.

9. Жиды же и вояки подъ крестомъ безчистили постоянно Христа и насмѣвали изъ него, та говорили:

— Если ты Сынъ Божій, зойди зъ креста. Ты, котрый развалюешь церковь Божу и за три дни зновъ еї будуешь, спаси себе самого! Другихъ спасавъ, а себе самого не може спастi; если онъ царь израильскій, най теперь зойде зъ креста и увѣруеме въ него.

А Христосъ на сѣ слова лишь только сказавъ:

— Отче, прости имъ, не знаютъ бо что творять. (1).

И оденъ изъ розбайниковъ такожъ насмѣдався зъ Іисуса, та казавъ:

— Если ты Христосъ, спаси себе и нась.

А другій зганивъ его и говоривъ:

— Ци ты не боишся Бога, коли и ты самъ на то само осужений; насъ справедливо осудили, а сей не учинивъ ничего злого.

И потомъ каже до Христа:

— Помяни мя Господи, якъ прїдешь въ царство свое.

И казавъ до него Христось:

— Аминь, говорю тобѣ, днесъ зо мною будешь въ раю. (2).

При крестѣ Іисуса стояли мать его и возлюбленный ученикъ Іоанъ. Іисусъ увидѣвши свою мать, сказавъ до неї:

— Се сынъ твой!

А до Іоанна:

— Се мати твоя! (3).

И одъ того часу взявъ св. Іоанъ мать Божу до себе.

Одъ шестої години (12 год.) настала темнота на земли, котра держала до девятої (3 попол.).

Въ девятої годинѣ Христось почавъ голосно молитися:

— Боже мой, Боже мой, чому ты мене опустивъ? (4).

Сѣ слова выражали высокій степень его болѣзни.

По хвилѣ казавъ Христось:

— Жажду! (5).

Тогда прибѣгъ одинъ воинъ до Христа, замочивъ губку въ отцѣ и на одной тростинѣ подавъ ему пiti. И коли Христось покушавъ казавъ:

— Совершилося. (6).

И закликавъ великимъ голосомъ:

— Отче, въ руки свої оддаю моего духа. (7).

И склонивши голову, спустивъ духъ.

10. Въ сей минутѣ земля потряслася, скалы розпадалися, церковна завѣса роздерлася на двое, гробъ отворилися и многъ изъ помершихъ воскресли.

И сотникъ та другъ, котрѣ стояли коло креста, настroiлися и казали:

— Воистину Божій Сынъ бывъ сей.

А народъ бючися въ груди вертався до Іерусалима.

(Ізъ книжки Ем. Бокшая: Ист. Нов. Завѣта).

Въ кожdomъ христіянскомъ домѣ повинна читати ся газета „Благовѣстник“. Онъ не только обороняє и укрепляє вѣру, но одновременно ширить христіянскій духъ и культуру.

лый рокъ. А сонце золотыми лучами якбы витало людей, якъ поѣвши св. паски, покидаютъ дома и знову спѣшать на цвинтеръ идь церкви. Весело дивитися якъ хлопцъ малъ и великъ граются мячемъ, а дѣвчата забравши за руки бѣгають зъ пѣснями то назадъ то впредъ, то вѣнки вяжуть або будують мости. Малъ дѣти зъ писанками бѣгають коло своеї мамки и щебечутъ якъ ластовята молодѣ. Лише старѣ усѣлись купками и обговорюють свою минулу молодость, якъ колись и они такъ грались, якъ теперь молодѣ, але зато на лицяхъ у нихъ можна видѣти радостный усмѣхъ. Въ сей день можна у насъ видѣти немало всякихъ забавъ и коли придивимеся до забавъ и прислухаемеся до пѣсень, то увидиме, что кожда зъ нихъ е переполнена радостю святъ и весны. Наразъ зазвонить. Той голосъ любви всѣмъ сказавъ: доста вже забавы. Настає Вечерня. Всѣ спѣшать до церкви прославити Христово Воскресеніе. По Вечерни знову граются. Забывають и ъсти, только граются ажъ до вечера. Настане вечеръ. Всѣ зъ великимъ жалемъ опушають мѣсто забавы, а особливо молодѣ. Всѣ пойдутъ до дому на одпочинокъ послѣ денної утомы. На другій и на третій день можна то саме видѣти. Але зато тяжко опушають вечеромъ третій день. Бо онъ полетить и понесе зъ собою забавы на рокъ впередъ. Зъ великимъ жалемъ розходиться товариство по домахъ зъ думкою о веселыхъ забавахъ. Одъ Воскресенія ажъ до Вознесенія вѣрники кланяються собѣ „Христосъ Воскресе“! и одповѣдають „Воистину Воскресъ“! -

Посля сихъ звичаевъ и твердої вѣры, можеме спознати, на сколько е Драгово культурнымъ селомъ и культурнымъ осередкомъ своеї околицѣ. Перше, Драгово на столько было освѣченымъ, что не далося завести въ блудъ шизмы, якъ другъ довкола него села. Далѣ Драговськѣ люде не были маловѣрцями, ай были твердыми православными гр. кафт. и будуть на далѣ. Раджу сусѣднимъ селамъ якъ: Нанкову, Селишамъ, Копашнову, Чумальови, Кричовъ, Колоднови и т. д., чтобы брали пришѣрь изъ Драговскихъ вѣрниковъ. На сколько Драгово е больше розиненое, чѣрезъ то, что недалося звести пройдисвѣтамъ. И не має только шкоды, як люде въ сусѣднихъ селахъ!

Драгово.

Написавъ: Стефанъ Росоха,
уч. IV. A. кл. гимн. въ Береговѣ.

Ци можно имъ вѣрити?

Нижеподписанѣ греко-каѳолическѣ вѣрники села Броньки заявляеме черезъ нашу милу газету: „Благовѣстникъ“ всѣмъ, что много разъ читаеме въ Церковной Правдѣ (Шизматицка Ложь), что въ Боронцѣ не е уже греко-каѳоликовъ, лише самыхъ схизматиковъ. А се як разъ на спакъ правда, бо въ

Бронцъ лише 7 домовъ е схизматиковъ, а другъ всѣ т. е. 153 хижъ такъ якъ и было, зостали греко-каѳоликами. Такими они брехнями ходять, чтобы и другихъ зловити на сѣть схизматиковъ науки.

А у насъ якъ повстали тѣ схизматики? На Христовое Воскресеніе пришовъ до насъ изъ Довгого намѣстникъ воскресну Утреню кончiti. А понеже еще мавъ и въ друге село (Суха) пойти отправу кончiti, дуже пиловавъ. Въ той часъ принесли дѣтину крестити; але священникъ уже не мавъ часу и сказавъ, чтобы почекали до завтра, а онъ вдячно прийде и покрестить еѣ. Але отецъ дѣтины дуже розсердився и казавъ, что стане схизматикомъ. Такъ ся и стало; а теперь уже суботникъ и смѣєся якъ дурнѣ то схизматики.

Бывъ я разъ и на „собранію“ батюшокъ и монаховъ схизматиковъ и якъ почали говорити, пересвѣдчивемся я, что они не монахи, але „маньтѧхи“.

Прошу се помѣстити въ Благовѣстнику, чтобы свѣтъ видѣвъ, что не лишъ схизматики панують, але живеме и мы, гр.-каѳ. православнѣ Христовѣ вѣрники.

Одъ имени гр. каѳ. комитета во Сухо-бронцѣ. В. Симканичъ.

Министеръ Бенешъ осуджує схизматицкій рухъ на Подк. Руси.

Нашѣ лѣпшѣ народовцѣ уже одъ початку замѣтили, что найбóльше зло въ народномъ житiю нашомъ прочинила схизма. Передъ тымъ русины хотя культурно дуже угнетенѣ были, але въ вѣрѣ были однакѣ. Але одколи батюхи появилися меже нами, конецъ той єдности и меже русинами ведеся завзята религiйна борьба. Се, что мы уже давно замѣтили, и посудили, замѣчає и осуджує теперь не меншiй чоловѣкъ, якъ министеръ заграницьихъ дѣлъ Бенешъ. Въ одной газетѣ: „Slovensky Přehled“ пише:

„Тяжкою ошибкою уважаю штучное подпорованя заграницьихъ политичныхъ направловъ, якъ украинизма, такъ и москализма-православiя“.

Были часы, коли схизматики явно хвалилися подворованьемъ изъ части ческихъ пановъ. Всю свою надѣю положили на пражскихъ пановъ, министровъ, на пословъ и на жупановъ. Се была ихъ найбóльша сила окремъ брехливоѣ и безчестновѣ агитацiї. А теперь якъ разъ изъ сего найвысшого мѣста достали здоровый полічникъ. Министеръ Бенешъ самъ въ живѣ очи повѣсть имъ, что „тяжкою ошибкою уважає подпорованя москализма-православiя“.

Ба что каже на то докторъ Гагатко „депутать“, кто та-
кожъ належить до партії Венеѣ-а, до ческих-соціалистовъ ? ! Ци
буде смѣти еще и на дале хвалитися передъ схизматиками, что
онъ и его партія и его министры суть патронами схизматиковъ
на Подк. Руси ? !

Увидиме, якій то урядовий „доразъ“.

Звѣстна рѣчъ передъ христіянскимъ свѣтомъ, якъ шкан-
дальнѣ дѣла ведуться зъ переданьем церквей Лучанскоѣ и Ру-
щанскоѣ. Нашъ вѣрнѣ греко-каѳолики уже пятый рокъ терп-
лять шизматицкое и батюшковское ярмо и повиннѣ дивитися,
якъ безсовѣснѣ ограбителѣ схизматики подъ проводомъ свѣ-
товцовъ батюховъ оскверняютъ Божѣ дому. Уряды до теперъ
все лише обѣцяли. Але нашъ реврѣ вѣрники уже наситилися
ихъ порожнimi обѣцянками и пожадали окончательное вырѣшеня
себѣ справы. Дня 20-го марта на енергичнѣ протести Преосвя-
щенного Владики и на интервенцію христ. нар. партії мuka-
човскій жупанъ совѣщаніе державъ въ Мукачовѣ зъ высланниками
епископа и вповнѣ признавъ право греко-каѳоликовъ на цер-
ковь; разомъ рѣшено было „доразъ“ по пасхальныхъ праздни-
кахъ передати церкви такъ въ Лучкахъ якъ и въ Русскомъ.

Епископска канцелларія якъ достала протоколь того жу-
панского совѣщанія, на проектъ Ц. К. Обороны Вѣры зверта-
лася до п. Вицегубернатора зъ цѣли поясненя, что то означає
„доразъ (ihned) по Великодни“. Ци то означає одень день, або
тыждень, або мѣсяць або — Боже борони — ачей и одень
годъ (або може и цѣлое столѣтіе) и требовало одъ губерніѣ
точно означати день въ котромъ будуть переданѣ тѣ церкви
и батюхи засланѣ звотки пришли до мілоѣ Галичини, або до
Москвы. Цѣкаво чекаеме якъ нашъ високъ паны розумѣють се
короткое слово „доразъ“ ? !

Выпишѣмся изъ схизматицкоѣ вѣры!

Многъ изъ нашихъ греко-каѳоликовъ подъ терроромъ
схизматиковъ и подъ угрозами агитаторовъ мимо своеї волї и
переконаня далися записати на схизму. Теперъ, коли дозналися,
что схизма то е лише обманство и політика партії нехристіян-
скихъ, вытверезилися изъ блуда схизматицкого и хотѣли бы
вернутися назадъ у Христову Церковь.

Многъ насытилися мудростями батюховъ, котрѣ лазять
сюда-туда на Подкарпатской Руси и постоянно перемѣняютъ
своє мѣсто перебыванія. Сѣ вѣрники приходить до насъ зъ
просьбою, якъ можно поправити вѣроломство и выступити изъ

схизмы. Головно передъ Великодньомъ е тому часъ, чтобъ вѣсъ слабъ гр.-каѳолики покаялися и разъ на все оставили ересь.

Друксорты, на якихъ треба заявити выступъ изъ схиз-
матицкоѣ вѣры, можно достати на фарѣ, або вѣ нашей редак-
ціи (безплатно). Если кто не може симъ путемъ достати, тому
подаєме мы взоръ такого заявленя. Най собѣ спишe, подае
имена дѣтей, подпише и най понесе окружному начальнику. Той
мае подписать „Посвѣдченя“, что признае заявленя и вернути
заявляючому.

Безъ марки.

З а я в а.

Окружному начальнику въ

На основѣ закона 96 § 6 зъ дня 23. IV. 1925. симъ за-
являю-(еме) выступленія ^{мое} _{наше} и ^{моихъ} _{нашихъ} малолѣтныхъ дѣтей изъ
гр. восточн. (схиизматицк.) вѣры и вступленія въ церковь
греко-кафтолическу.

Прошу-(сime) се приняти до въдома и выдати о томъ
урядовое посвѣчения.

Имя дътей до 16 лѣтъ:

Дано въ дня 192 . .

(Се окружный начальникъ має выставить !)

Ч.

Окружное начальство

ПОСВѢДЧЕНИЯ.

о томъ, что житель села
выступивъ зъ женою и . . . дѣтьми изъ гр. восточнѹ (схи-
зматицкѹ) въры.

(Мѣсто печати).

окр. начальникъ.

Мѣсячное намѣреніе для членовъ Апостольства молитвы.

Молитва на мѣсяць май:

„О Іисусе, черезъ непорочное сердце Марії жертвую тобѣ всѣ мои молитвы, труды и терпѣнія нынѣшнаго дня та тое намѣреніе, на якое Ты себѣ жертвуешь каждый день на цѣломъ свѣтѣ въ св. службѣ Божій. Особливо же молюся, чтобы убога христіянска скромность въ сердцахъ людей.

Поученіе. Христіянинъ скромного сердца знає, что все что має, то получивъ одѣ Бога и въ всѣхъ своихъ дѣлахъ глядае виключно Божу славу. Одѣ близниковъ не вымagae виѣшнихъ знаковъ почести, не глядаe свѣтскої славы и достоинствъ, скоро забываe обиды и охотно принимает напоминанія.

Чесноту скромности принесъ Іисусъ на землю. За часовъ поганскихъ скромность уважали слабостю. Першій разъ Христосъ указавъ, что то е скромность и поручивъ еѣ всѣмъ людямъ словами: Навчитesя отъ мене, іакѡ кротокъ есть и смиренъ сердцемъ (Маѳ. 11, 29).

Скромности противляется гордость. Гордый цѣнить себе за высоко, одѣ людей пожадае, чтобы его честовали, уважае себе лѣпшимъ одѣ другихъ людей, старшихъ и настоятелей не слухае, бо себе считае мудрійшимъ одѣ никъ, даколи легко-важить и самого Бога, и все что має виключно собѣ и своимъ силамъ приписуе.

Гордость захпала ся и межи нашъ народъ Лишь дивитися треба на тыхъ крикуновъ, котрѣ на собраніяхъ, або инде такъ поводяться якбы около нихъ крутився весь свѣтъ.

Гордость причинила и схизму Фотія и Керуларія, бо не хотѣли повиноватися наслѣдникамъ Христомъ поставленного св. Петра управителя Церкви. Гордость розширяе и теперь схизму межи нами и перешкаджае, чтобы признавше свой блудъ вернулися назадъ въ Христову гр. каѳол. Церковь. Молѣмся Братія и Сестры, чтобы духъ гордости перемѣнився въ христіянску покорность и тогда буде: „одно стало и одень пастырь“.

НОВОСТИ

— Схизматицкій ческій bis-
кир Гораздъ пришовъ на Подк.
Русь. Схизматики нашъ на кон-
цѣ концовъ найшли собѣ уже
епископа въ особѣ ческого
плебана Горазду, который на-
дняхъ уже и приѣхавъ на Подк.
Русь. По нашимъ вѣдомостямъ
на 16-охъ мѣстахъ будуть зало-
жити законну церковну громаду.
Цивильна управа лише тамъ до-
волила заоснованя схизматицкоѣ
церк. громады, где эхизматики
самъ устроили собѣ церковъ, а
всѣ маєтки передали гр. каѳо-
ликамъ. Сie условіе принявъ и
Гораздъ. Мы, изъ нашоѣ сторо-
ны „паки и паки“ требуеме пе-
реданя всѣхъ нашихъ церков-
ныхъ маєтокъ и зновъ заявля-
еме, чмо всѣми силами будеме
войовати, доки изъ всѣхъ на-
шихъ церквей не выжене прави-
тельственна власть всѣхъ схи-
зматиковъ. Миръ и спокой лишь
тогда буде на Подк. Руси, коли
правительство укаже, что має
доста силы перевести свої за-
коны и розпорядженія и не напу-
диться одѣ порожніхъ кри-
ковъ схизматиковъ.

— Пожадайме, чтобы въ по-
недѣлокъ не держали торъ въ
Мукачовѣ! Вѣрники нашоѣ епар-
хii, котрѣ въ Бережской жупѣ
бывають въ великомъ числѣ на-
щивляють тыждневый торгъ въ
Мукачовѣ, что якъ разъ припа-

де на понедѣлокъ. Про се вѣр-
ники и эъ дальшихъ сторонъ, кот-
рѣ хотять въ часъ дойти до
Мукачова, повиннѣ цѣлу недѣлю
на пути быти и не можуть уча-
ствовать въ Богослуженяхъ. Якъ
доносять намъ, вѣрники въ мно-
гихъ селахъ ладяться на сель-
скихъ собраніяхъ пожадати, чтобы
торгъ зъ понедѣлка, перенесли
на другій день, чтобы вѣрники
могли сповняти въ недѣлю свої
обовязки христіянскѣ и якъ слѣ-
дує посвятковати недѣлю. Взыва-
еме всѣхъ нашихъ свѣдомыхъ вѣр-
никовъ, чтобы на сельскихъ збо-
рахъ одноголосно домагалися
переложеня тыждневого торга
зъ понедѣлка на другій день.

— Новый руській чинъ въ
Пряшевской епархii. Апостоль-
скій престолъ дозволивъ и роз-
порядивъ отворити новиція
Чина Редемптористовъ восточ-
ного обряда въ Стропковѣ.
Монахи редемптористы мають
научати людей въ законѣ Божомъ
и варовати ихъ одѣ кваса ши-
зматицкої науки.

— Въ Югославіи такъ вѣро-
исповѣданя суть:

Гр. каѳоликовъ:	41·000
Римо-каѳоликовъ:	4,452·000
Схизматиковъ:	5,044·000
Могамеданъ:	1,132·000
Протестантовъ:	230·000
Жидовъ:	330·000

Жаль совершенный.

Года 1881. згорѣвъ въ Виднѣ театръ „Ring“. Публика въ театрѣ была, и меже ними одна 8 лѣтна дѣвочка. Другого дня появилась дѣвочка въ школѣ на годинѣ религії. Катехизъ интересовався якъ люде поводилися и что чинили въ томъ часѣ, коли такъ близко была для нихъ смерть. Дѣвочка каже:

— Однѣ плакали, другѣ лали, зновъ ишѣ упали въ отчаяніе...

— А ты что робила?

Я здогадалася, что панъ катехизъ намъ говорили о совершенномъ жалю. Я думала, что уже высповидатися не можу, не е иншоѣ помощи, якъ возбуждати совершенный жаль. Стала я на коляки и голосно молилася слова совершенного жалю. Коло мене стояли тютка моя, знакомъ и еще ишѣ люде. Потолковала я имъ наскоро и коротко, что совершенный жаль має таку силу, что въ небезпецѣ смерти, коли не е нагоды сповѣдатися и черезъ ню достане чоловѣкъ отпущеніе грѣховъ. У короткій часъ цѣла група клячала коло мене и молилися молитву совершенного жалю, доки не пришли люде и выратовали насъ.

Въ чомъ состоитъ така велика сила совершенного жалю, что онъ годенъ намъ въ небезпецѣ смерти отворити ворота царства небесного? Въ томъ, что кто возбуждає сов. жаль, той жалує свої грѣхи изъ любви къ Богу. А любовь къ Богу изотре всѣ грѣхи изъ души человѣческої. Христосъ каже: „Іще кто любитъ мя и Отецъ козлюкитъ єгѡ и къ нему прінdemъ и обитель ѿ негѡ сотворимъ“. (Іо. 14. 23). По ученію нашої вѣры также если кто свої грѣхи — не изъ страху одѣ кары Божої — но что найвысшу доброту, нашего любимого Отца и Спасителя грѣхами образивъ, тогди такій жаль и безъ сповѣди отпускає намъ грѣхи. Такій жаль мавъ св. Петро. Онъ три разы отрицавъ Христа: „Я не познаю сего чоловѣка“ казавъ. У пару минутъ выпровадили Христа на коридоръ и онъ поглянувъ на Петра. И Петро выйшовъ изъ двора и горько заплакавъ. Одѣ чого плакавъ Петро? Не зато бо стыдився передъ товаришами-апостолами, не зато якъ бы боявся, что Христосъ за се одбере одѣ него верховное апостолство и выключить его изъ царства небесного, но зато, бо онъ образивъ того любившаго Христа, кто такій добрый бывъ взглядомъ его, и за велику любовь кого одплачовавъ такою невдячностю.

Коли и мы хочеме возбуждати сей совершенный жаль, тогды и наше сердце має исповнятися такими думками. Представлю собѣ Христа на крестѣ терпячого. Что терпить онъ? Муки безмѣрнѣ, болѣзнѣ безграничнѣ, страданія безъ потѣхи. Ци можу я холодокровно постояти передъ его крестомъ и тер-

пѣніями и казати: „Что менъ до того, что ты терпишь?“ О нѣтъ, бо онъ и за моѣ грѣхи терпить и я причина тому, что онъ только много має терпѣти. И тогда я не можу выдержати его поглядъ (якъ св. Петро) сердце сповняється горькостю и уста отворяються на слова: „Господи, щиро жалую моѣ грѣхи, будь милосердный менъ грѣшному“. Кто годень на такъ чувства и на такъ слова, той має жаль совершенный, походячій изъ любви и має отпущеніе грѣховъ своихъ и безъ сповѣди.

Зато, коли ктось поповнить якійсь грѣхъ смертный, най бѣжить къ совершеному жалю, най не зостане и за минуту въ семъ опасномъ положенію, бо смерть нападе на насъ хоть въ которой минутѣ.

Совѣтуеме каждого вечера збудити сей совершенный жаль, бо смерть ходить якъ злодѣй изъ большої части въ ночи. Горька была бы наша доля, вечеръ лягнути зъ смертельнымъ грѣхомъ и не пробудитися хиба передъ Божимъ судомъ; и якое великое наше щастя, если въ такомъ нещастю чистою душою, обчищеною совершеннымъ жalemъ можеме передъ Богомъ появитися.

Если мы часто пробуждаеме совершенный жаль, тогда не буде намъ тяжко возбуджати его въ житьевой небезпецѣ. На смертельной постели священника достати, высپовѣдатися, причащатися, то есть велика ласка Божа и не каждый чоловѣкъ стаєся участникомъ такої ласки. Сколько разъ нападе на насъ нагла смерть, а на коли священикъ надойде, уже чоловѣкъ ни говорити, ни сповѣдатися не годснъ. Въ такомъ случаю, лишь одно поможе: совершенный жаль. Не дай Боже случиться въ нашей фамиліи, подумайме на сей легкій способъ отпущенія грѣховъ и шептайме въ уха умерающему слова совершенного жалю: „Господи Боже мой, изъ цѣлого сердця люблю тя; щиро жалую и ненавиджу, что я тебе моего добротливого отца грѣхами образивъ, помилуй мя“. Само такъ поможѣмъ и самъмъ собѣ въ небезпецѣ житя нашего. Симъ ратуеме безсмертну душу нашу для царства небесного.

Зазначѣть собѣ сесю науку и переведѣть ею въ животъ вашъ. Научѣтися на память сесю коротку молитву и съ отповѣдными чувствами помолѣтися каждый вечеръ. Но неотмѣнно на смертельной постели. И Богъ знае, ци не будете еще колись, дуже, дуже благодарнъ менъ, что стеся научили одъ мене сесю молитву, совершенного жалю.

Читайте и разпространяйте

„Благовѣстникъ“!

Великодній обрядъ и звычаѣ у Драговѣ (ж. Марм.).

Уже одъ Четверя Великого, церковь одоперта. Передъ полуднемъ одправляється Божа Служба зъ Вечернею. По сконченю Служби церковь не остаєся порожною ажъ до вечера, бо приходить благочестивѣ вѣрники на молитву. Вечеромъ одправляється богослуженя т. з. у нась „страсти“ и читається 12 Евангелій. Тотѣ Евангелія описують страсти Іисуса Христа ажъ до Его положеня до гробу. Подчасъ кождого Евангелія вѣрники клячатъ на колѣнкахъ, а по оконченю Евангелія звонять у всѣ звоны. По оконченю Евангелій звоны замовкнуть ажъ до Свѣтлого Воскресенія Христа!

Велика Пятниця. Замовкли звоны, не чути тыхъ миленъкихъ голосось. Только чути ковтелованя, что разить душу великимъ жалемъ и пригадуе на тоты великѣ страданія Іисуса Христа, за нась грѣшныхъ. И Служба Божа не служиться, бо то мы знаемъ, что въ Пятницю самъ вѣчный архіерей приносить себе въ жертву. Передъ обѣдомъ одправляються Царськѣ Часы, ка которыхъ читають краснѣ „Чтенія“ из Старогв Завѣта, такожъ Апостоль и Евангеліе. По полудню е Велика Вечерня и великий обходъ зъ плященицею. На пути спѣвае народъ дуже прекрасну пѣсню: Благообразный Іосифъ. По обходѣ положить священникъ плащенницю до гробу, прочитає молитву и выставить найсвятѣйшою Евхаристію на престоль. Вѣрники приходить до плащенницѣ и умоляють найсв. Тайну. И на хвильку не е, чтобы коло св. Тайны не было по пятьдесятъ благочестивихъ вѣрниковъ.


Въ Велику Суботу Велика Служба зъ Вечернею. Передъ Евангеліемъ священникъ одѣвається въ свѣтлѣ ризы, бо Евангеліе оповѣдає уже про Христово Воскресеніе. По полудню якъ только почне покрывати землю вечерня тьма, всѣ нашѣ хлопцѣ, якъ малѣ, такъ великѣ поспѣшають на цвинтеръ зъ вязкою дровъ, або зъ колдою, котру ледвы несутъ и розкладають огенъ на знакъ сумного часу. Коли огенъ добре розгориться, тодѣ починають бавитися коло огня. Поважнѣйшѣ хлопцѣ оповѣдають дачто про Христа, всякѣ казки а такожъ и фиглюють. Тымъ часомъ другѣ дома, особливо дѣвчата приготовляються до Полуночницѣ. А такъ они приготовляються: тою водою въ якой яйця варилися и шкарапалубеньомъ изъ яєць умывають руки и лицѣ, на то, чтобы бѣлѣ были такѣ якъ яйця и лицѣ бы было гладкое. Далѣ се всѣ люде роблять: намечуть на землю грани и передъ выходомъ зъ дому, розтирають то вугля ногами, на то чтобы до нихъ, по дорозѣ до церкви, не имилося нѣякое лихо, а такожъ черезъ цѣлый рокъ. При томъ якъ розтирають

угля, то примовляють до три разъ: „Якъ до угля не имаєся нѣчо зле, такъ абы и до мене не ималося“.

Приходять идь церкви. Громада зростає. Бо уже приходять старѣ люде, жоны, дѣвчата и малѣ дѣти. Всѣ нетерпеливо чекають, коли заковтеле. Наразъ рознесеся голосъ ковтлованя. Всѣ схвачуються, крестяться и спишать до Божого дому. Только декотрѣ дѣвчата замѣсть скорше до Божого дому спѣшать на звонницю. А чого спѣшать на звонницю? Послухайте! У насъ дѣвчата вѣрять, что якъ потягнутъ за мотузъ звоновий, то майскорше вийдуть за мужъ. При томъ, якъ тягнуть за мотузъ, примовляють до три разы: „Якъ я за сей мотузъ тягну, такъ абы за мною серце хлоповъ тягло“! Всѣ поспѣшили до церкви. Огенъ лишили сиротою, только вѣтрецъ тихенпкий не лишивъ его, тихенько подувае на него и додає ему силы и охоты.

Начало Свѣтлое Воскресеніе. Священникъ въ чорныхъ ризахъ одправляє Полуночницю. Потомъ переодѣвається въ свѣтлѣ ризы, бере плащеннницю на плечѣ и иде на обходъ довкола церкви. Подъ часъ обходу уже звонять у всѣ звони. На пути спѣвають прекраснѣ стихири: Воскресеніе Твое Христе Спасе и Воскресъ Іисусъ одъ гроба. По обходѣ стане священникъ передъ дверми и спѣває: Христосъ Воскресъ и люде два рази повторяють. По тому священникъ спѣває воскреснѣ стихи: Да воскреснетъ Богъ По каждому народу спѣває: Христосъ воскресъ. Далѣ священникъ крестомъ одопре дверѣ и всѣ идуть до церкви. Священникъ положить плащеннницю на престоль и починає Воскресну Утреню. На Утрени спѣвають люде дуже прекраснѣ пѣснѣ. Менѣ нянько казали, что ихъ уложивъ св. І. Дамаскинъ, то саме я чувъ такожъ одъ професора религії. На конци Утрени священникъ дає цѣловати вѣрникамъ св. крестъ. Изъ Утрени пойдуть до дому. Однѣ еще ляжутъ спати, а тамъ где дѣвки суть, то свѣтло горить ажъ до рана и дѣвчата не лѣгають спати, але дачимъ занимаються. Бо тодѣ легинѣ ходять подъ хатами, тамъ где суть дѣвки, чтобы подивитися якѣ они читавѣ. Бо такъ легинѣ кажуть, что котра дѣвка не читава (спѣшна) на Великдень, то она така буде и въ житю.

Зазвонить на Службу. Всѣ зъ пасками спѣшать идь церкви. Паски лишають коло Церкви а самѣ идуть до церкви на Службу Божу. На службѣ спѣває священникъ Евангеліе и по кожному спѣву звонять у всѣ звони, на знакъ того что Христово Воскресеніе знають на цѣломъ свѣтѣ. По св. Службѣ вѣрники зъ пасками довкола церкви чекають священника. Священникъ одправить коло пасокъ короткое богослуженіе, потомъ благословляє и освящає паски и іншѣ поживы. По освященню пасокъ народъ пойде до дому и цѣла родина обѣдає. Яка велика радость тогды у всѣхъ, усѣвшихся дома за столомъ, что Богъ удостоивъ укусити изъ сего св. бѣлого хлѣба, на якій чекали цѣ-



„Свой до свого!“

„АКОРДЪ“

ПЕРША РУСЬКА ФАБРИКА
ЗВОНОВЪ ВЪ УЖГОРОДЪ

Найлѣпшѣ звоны править перша руська ліярня звоноў „АКОРДЪ“ Капиталъ создали сами наши люде. Она заряджена по найновѣйшой техніцѣ и ведена перворядными фаховцями. Мѣстности фабрики находяться около желѣзнодорожной станціи въ Ужгородѣ. Тамъ постоянно выставленъ образцовъ звоны. ! Найлѣпшій благородный металъ!

Спеціальна марка „Акордъ“ „А“ и „С“ звоны. 10-рочна гарантія.

Замовленя просимо адрессовати:

„АКОРДЪ“, ліярня звоноў въ Ужгородѣ.

Канцелларія: Ужгородъ, Капитульна улиця ч. 11.

Замовленя можъ передати и въ Подкарпатскомъ Банку.

РУСИНЫ!

Не идѣть до чужихъ, а подпирайте свою руськѣ институції

СЛАВЯНЕ!

Першимъ руськимъ ассекурадійнымъ товариствомъ есть

„БЕСКИДЪ“

акційное ассекураційное товариство — Ужгородъ.

Принимае ассекурацію хижъ и всѣхъ движимостей и недвижимостей противъ огня, противъ вломовъ, принимае ассекурацію на житѣе, пензій и пр.

на дуже выгодныхъ условіяхъ.

Ассекуруйте только у „БЕСКИДЪ“!

Свой до свого!

Глядаеме добрыхъ агентовъ.

Вже выйшовъ изъ печати

МОЛИТВЕННИКЪ

для греко-каѳоцького

◎ руського народа ◎

составленый о. П. Котовичомъ.

Сей прекрасный, богатый змѣстомъ молитвенникъ мае 507 страницъ друку, шитый руками, оправленый въ полотно

—стоить лишь 7 Кч.—

Замовляти на адресу: Печатня 00. Василіянъ въ Ужгородъ.

КОГУТЬ и НАБИВАНЕЦЬ

— ужгородъ, ул. РАКОЦИ ч. 11. —

Власного виробу постоянно на складѣ:



Чаши, дарохранительницы, свѣчники, лампы, ризы,
хоругвы (заставы), плащеницы, образы до но-
шения и други. Практичнѣ шкатульки съ приборами
къ постѣщеню хворихъ.



Чаши золотиме въ огни. —
Добра робота, умѣркованъ цѣны.